

Bosna i Hercegovina
Federacija Bosne i Hercegovine
KANTON SARAJEVO
Ured za borbu protiv korupcije



Босна и Херцеговина
Федерација Босне и Херцеговине
КАНТОН САРАЈЕВО
Уред за борбу против корупције

Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-341-1141/26 DV
Sarajevo, 20.07.2026. godine

SKUPŠTINA KANTONA SARAJEVO
KABINET PREDSEDavajućEG I ZAMJENIKA PREDSEDavajućEG
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

PREDMET: Zastupničko pitanje zastupnika Selmanović Faruka, odgovor, dostavlja se.-

VEZA: Vaš akt broj: 01-04-31246-19/26 od 23.06.2026. godine

Vezano za Vaš akt broj i datum veze, u prilogu dostavljamo odgovor na zastupničko pitanje zastupnika Selmanović Faruka.

S poštovanjem,

Priloga: 1.

Dostaviti:

1. Naslovu;
2. a/a.





Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-341-1141/26 DV
Sarajevo, 20.07.2026. godine

SKUPŠTINA KANTONA SARAJEVO
KABINET PREDSDJEDAVAJUĆEG I ZAMJENIKA PREDSDJEDAVAJUĆEG
SKUPŠTINE KANTONA SARAJEVO
n/r Predsjedavajućeg Skupštine - Elvedin Okerić

PREDMET: Zastupničko pitanje zastupnika Selmanović Faruka, odgovor, dostavlja se.-

VEZA: Vaš akt broj: 01-04-31246-19/26 od 23.06.2026. godine

U okviru 31. radne sjednice Skupštine Kantona Sarajevo, zastupnik u Skupštini Kantona Sarajevo Faruk Selmanović uputio je zastupničko pitanje Ministarstvu za nauku, visoko obrazovanje i mlade Kantona Sarajevo, te Uredu za borbu protiv korupcije Kantona Sarajevo, kojim traži informacije o zakonitosti i transparentnosti postupanja nadležnih institucija u predmetu provjere akademskih kvalifikacija prof. dr. Sebije Izetbegović, uključujući eventualne provjere navoda o pritiscima i zloupotrebama, ujednačenu primjenu pravnih standarda, zaštitu akademske autonomije i integriteta sistema visokog obrazovanja, kao i mjere koje su ili će biti poduzete radi osiguranja zakonitog, nepristrasnog i jednakog postupanja u sličnim predmetima.

S tim u vezi, obavještavamo Vas da je Univerzitet u Sarajevu aktom od 07.07.2021. godine Uredu za borbu protiv korupcije Kantona Sarajevo dostavio Informaciju sa pratećom dokumentacijom o radnjama koje je Univerzitet poduzeo radi provjere vjerodostojnosti javnih isprava prof. dr. Sebije Izetbegović vezanih za postdiplomski studij na Medicinskom fakultetu Sveučilišta u Zagrebu. U dopisu je navedeno da se informacija dostavlja u skladu s Planom integriteta Univerziteta u Sarajevu, radi transparentnog informisanja i daljnjeg postupanja nadležnih institucija, te da je istovremeno upućena i Ministarstvu za nauku, visoko obrazovanje i mlade Kantona Sarajevo. Iz priložene informacije proizlazi da je Univerzitet prikupio dokumentaciju od Medicinskog fakulteta Univerziteta u Sarajevu, zatražio i pribavio očitovanje Medicinskog fakulteta Sveučilišta u Zagrebu, koji je potvrdio da je prof. dr. Sebija Izetbegović bila upisana na postdiplomski studij, ali da u dosjeu ne postoji dokumentacija na osnovu koje se može potvrditi vjerodostojnost indeksa niti izdati uvjerenje o položenim ispitima.

Nakon toga, Ured je aktom od 16.07.2021. godine zaprimljenu informaciju prosljedio Kantonalnom tužilaštvu Kantona Sarajevo na dalje nadležno postupanje, shodno odredbama člana 5. tada važeće Uredbe o osnivanju Ureda za borbu protiv korupcije i upravljanje kvalitetom Kantona Sarajevo.

Aktom broj: T09 KTA 0169895 21 od 18.07.2023. godine, Kantonalno tužilaštvo Kantona Sarajevo je obavijestilo Ured da je povodom opisanih okolnosti donesena naredba o neprovođenju istrage, jer je iz prijave i pratećih spisa očigledno da prijavljeno djelo nije krivično djelo.

U odnosu na ostale navode i postavljena pitanja, **ukazujemo da Ured za borbu protiv korupcije Kantona Sarajevo nije provodio niti je bio nadležan provoditi postupak provjere ili oduzimanja akademskih zvanja i diploma prof. dr. Sebiye Izetbegović.** Naime, postupci eventualnog poništavanja ili oduzimanja akademskih zvanja i diploma, uređeni su Zakonom o visokom obrazovanju Kantona Sarajevo i drugim propisima kojima je uređena oblast visokog obrazovanja, te se provode pred za to nadležnim organima Univerziteta i drugim zakonom ovlaštenim institucijama. Ured nije ovlašten da odlučuje o zakonitosti akademskih kvalifikacija, niti da preispituje ili ocjenjuje odluke donesene u postupcima koji se vode u skladu sa propisima iz oblasti visokog obrazovanja. Slijedom navedenog, **Ured nije provodio niti je mogao provoditi provjere ili analize u smislu pitanja koja se odnose na zakonitost postupka provjere i oduzimanja diplome, budući da navedena pitanja ne spadaju u zakonom propisanu nadležnost Ureda.**

Ured posebno ističe da se izneseni navodi o potencijalno različitim aršinima, selektivnom postupanju ili postojanju unaprijed formiranih namjera u konkretnom slučaju, radi zaštite pravne sigurnosti i jednakosti građana pred zakonom, moraju i trebaju provjeravati prvenstveno na nivou samog Univerziteta, kao i od strane nadležnih eksternih organa kontrole (resorno Ministarstvo i Prosvjetna inspekcija), prije iznošenja bilo kakvih konačnih kvalifikacija.

U cilju potpunog rasvjetljavanja ovog ključnog pitanja, a uvažavajući izuzetan interes javnosti, kao i kontinuiranu medijsku i društvenu eksponiranost ovog slučaja, te moguće sumnje u selektivno djelovanje i neujednačenu primjenu pravnih standarda od strane Univerziteta u Sarajevu, Ured će u okviru svojih zakonskih nadležnosti uputiti zahtjev resornom Ministarstvu za nauku, visoko obrazovanje i mlade Kantona Sarajevo, kao i Univerzitetu u Sarajevu, radi dostavljanja detaljnih informacija o mjerama i radnjama poduzetim povodom navoda iz predmetnog zastupničkog pitanja. Nakon zaprimanja i analize traženih informacija i nalaza, Ured će, u slučaju utvrđivanja elemenata koji ukazuju na koruptivne aktivnosti ili zloupotrebe, poduzeti sve daljnje mjere i radnje u punom skladu sa svojim zakonskim ovlaštenjima.

Također, Ured će i od drugih organa, uključujući istražne organe, zatražiti informacije o statusu i ishodu eventualno formiranih predmeta koji se tiču provjere pravilnosti postupanja u ovoj pravnoj stvari, kako bi Ured, u okviru svojih zakonskih nadležnosti za prevenciju i suzbijanje korupcije, imao potpun i objektivan uvid u sve relevantne činjenice.

S poštovanjem,

Dostaviti:

1. Naslovu;
2. a/a.

